



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო

Ministry of Internally Displaced Persons from the Occupied Territories,
Labour, Health and Social Affairs of Georgia



KA030161299916419

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/15496

03 / სექტემბერი / 2019 წ.

სსიპ სახელმწიფო ქონების ეროვნულ სააგენტოს

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ განიხილა თქვენი N4/65587 წერილი, რომელიც შეეხება 01.12.2011-03.12.2018 პერიოდში, ერთი მხრივ, საქართველოს ეკონომიკისა და მდგრადი განვითარების სამინისტროს (უფლებამონაცვლე სსიპ - სახელმწიფო ქონების ეროვნული სააგენტო (შემდგომში „სააგენტო“)), საქართველოს შრომის, ჯანმრთელობისა და სოციალური დაცვის სამინისტროს (შემდგომში „სამინისტრო“) და მეორე მხრივ, შპს „ჩემი ოჯახის კლინიკას“ (უფლებამონაცვლე სს „სამედიცინო კორპორაცია ევექსი“ 02.02.2015) (შემდგომში „მედიველი“) შორის 2012 წლის 19 მარტის ნასყიდობის ხელშეკრულებით ნაკისრი ვალდებულებების დადასტურების საკითხს.

2010 წლის 3 აგვისტოს, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტრო“) და მეორე მხრივ შპს „ბლოკ-ჯორჯიას“, შპს „ბლოკ-ინვესტს“ და შპს „მედიმექსს“ („მყიდველი“) შორის გაფორმდა ნასყიდობის ხელშეკრულება (სანოტარო მოქმედების რეგისტრაციის N100773212), რომლის თანახმად, მყიდველს გადაეცა დანართი 1-ში მითითებული ქონება. ამავე ხელშეკრულების 3.1 პუნქტის „დ“ ქვეპუნქტით დაევალა დანართ 3-ში მითითებულ დასახლებულ პუნქტებში (ზუგდიდი, ხობი, აბაშა, ჩხოროწყუ, მარტვილი, ფოთი, წალენჯიხა) შექმნილი საავადმყოფოების არანაკლებ 7 წლის განმავლობაში უწყვეტ რეჟიმში სამედიცინო პროფილით ფუნქციონირების უზრუნველყოფა. ამავე მუხლის „ა“ ქვეპუნქტით განისაზღვრა საავადმყოფოების აშენებისა და რეკონსტრუქციის ვადა - 2011 წლის 31 დეკემბერი, გარდა ფოთში შესაქმნელი 70-საწოლიანი ზოგადი პროფილის პოსპიტალისა - 2012 წ. 1 ივლისი.

2011 წლის 29 სექტემბრის, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტრო“) და მეორე მხრივ შპს „ბლოკ-ჯორჯიას“, შპს „ბლოკ-ინვესტს“ და შპს „მედიმექსს“ („მყიდველი“) შორის გაფორმებული ნასყიდობის ხელშეკრულების 3.1.4 ქვეპუნქტით, მყიდველმა უნდა „უზრუნველყოს დანართ N2-ით გათვალისწინებული ბაზისური სერვისების უწყვეტობა აბაშის, მარტვილის, ჩხოროწყუს, ზუგდიდის, წალენჯიხის, ხობის, მუნიციპალიტეტებში და ქ. ფოთსა და დაბა ჯვარში შესაბამისი სახელმწიფო პროგრამების ფარგლებში 2011 წლის 15 ოქტომბრიდან საქართველოს ეკონომიკისა და მდგრადი განვითარების სამინისტროსა და შპს „ბლოკ-ჯორჯია“-ს, შპს „ბლოკ-ინვესტ“-ს, შპს „მედიმექსს“ შორის 2010 წლის 3 აგვისტოს გაფორმებული ნასყიდობის ხელშეკრულების (სანოტარო მოქმედების რეგისტრაციის N100773212, 04.08.2010) 3.2. პუნქტის „დ“ ქვეპუნქტით გათვალისწინებული ვადის დასრულებამდე და დანართ N2-ში განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით“.

საქართველოს ეკონომიკისა და მდგრადი განვითარების სამინისტროს („გამყიდველი“) და შპს „ბლოკ-ჯორჯიას“, შპს „ბლოკ-ინვესტს“ და შპს „მედიმექსს“ და სს „ჩემი ოჯახის კლინიკას“ (უფლებამონაცვლე - სს „სამედიცინო კორპორაცია ევექსი“ 2015 წლის 2 თებერვლიდან) („მყიდველი“) შორის 2012 წლის 19 მარტს გაფორმდა ნასყიდობის ხელშეკრულებაში ცვლილების შეტანის შესახებ შეთანხმება, რომლის მიხედვით სს „ჩემი ოჯახის კლინიკის“ ვალდებულებად განისაზღვრა შექმნილ საავადმყოფოებში არანაკლებ 7 წლის განმავლობაში უწყვეტ რეჟიმში სამედიცინო პროფილით ფუნქციონირება. ასევე ბაზისური სერვისების უწყვეტობის ვალდებულება გადაეცა სს „ჩემი ოჯახის კლინიკას“, რადგან 2011 წლის ნოემბერში შპს „ბლოკ-ჯორჯიას“, შპს „ბლოკ-ინვესტს“, შპს „მედიმექსს“ და სს „ჩემი ოჯახის კლინიკას“ შორის გაფორმებული მემორანდუმით ის საავადმყოფოები, რომელიც შემდგომში მოხსენებულ იქნა 2012 წლის 19 მარტის

ნასყიდობის ხელშეკრულებაში ცვლილების შეტანის შესახებ შეთანხმების დანართ N2-ში, გადავიდა სს „ჩემი ოჯახის კლინიკის“ საკუთრებაში (სს „მრავალპროფილიანი კლინიკური საავადმყოფო „რესპუბლიკა“ შპს „ხობის რაიონული ცენტრალური საავადმყოფო“; შპს „აბაშის ამბულატორიულ-პოლიკლინიკური გაერთიანება“; სს „ჩხოროწყუს რაიონული ცენტრალური საავადმყოფო“; შპს „ე.კ.ფიფიას სახელობის წალენჯიხის ცენტრალური საავადმყოფო“).

სს „ჩემი ოჯახის კლინიკის“ მიერ ხელშეკრულებით ნაკისრი ვალდებულებების, კერძოდ, ბაზისური სერვისების უწყვეტობის ვალდებულების შესრულების შესახებ ინფორმაცია უკვე მოგეწოდათ 2017 წლის 20 იანვრის N01/3225 წერილით, ვალდებულებების დასაწყისიდან 2016 წლის 15 სექტემბრის ჩათვლით პერიოდისთვის. ამჟამად წარმოგიდგენთ ბაზისური სერვისების უწყვეტობის ვალდებულების შესრულების შესახებ ინფორმაციას 2016 წლის 16 სექტემბრიდან 2018 წლის 3 დეკემბრის ჩათვლით.

იმისათვის, რომ ვალდებულებით განსაზღვრული სერვისების მიწოდება ჩაითვალოს შესრულებულად, სერვისის მიმწოდებელი, ხელშეკრულებით განსაზღვრული ბაზისური სერვისების წარმოების ვადის ფარგლებში, უნდა აკმაყოფილებდეს შემდეგ პირობებს:

ა) პირველ რიგში, უნდა გააჩნდეს განსაზღვრული სერვისის წარმოების უფლება, რისთვისაც, სამედიცინო საქმიანობის სპეციფიკის შესაბამისად, უნდა ჰქონდეს: ან სტაციონარული დაწესებულების ნებართვა და თუ საჭიროა, შესაბამისი სამედიცინო საქმიანობის განხორციელებისათვის აუცილებელი სანებართვო დანართი; ან საქმიანობის ლიცენზია; ან შეტყობინება მაღალი რისკის შემცველი ამბულატორიული საქმიანობის წარმოების თაობაზე. ამასთან, გასათვალისწინებელია, რომ ბაზისური სერვისებიდან, შესაძლებელია, ზოგიერთი სერვისების წარმოება არ მოითხოვდეს ლიცენზიის/ნებართვის ან შეტყობინების არსებობას.

როდესაც ჩვენს მიერ მოწოდებულ ინფორმაციაში აღნიშნულია ლიცენზიის, სტაციონარული ნებართვისა და ნებართვის დანართის ან მაღალი რისკის ამბულატორიულ საქმიანობაზე შეტყობინების არარსებობა, ნიშნავს, რომ სერვისის მიმწოდებელს („მყიდველს“) ვალდებულების შესასრულებლად სჭირდებოდა შესაბამისი უფლების ქონა, მაგრამ სამინისტროს უფლებამოსილი უწყების მიერ მოწოდებული ინფორმაციით არ დასტურდება „მყიდველის“ მიერ შესაბამისი ბაზისური სერვისის შესრულების ის ლეგალური საფუძვლები, რაც უკავშირდება კონკრეტული ბაზისური სერვისის წარმოების უფლებას.

ბ) სერვისის მიმწოდებელი სამედიცინო დაწესებულება, შესაბამისი სახელმწიფო პროგრამების ფარგლებში, უწყვეტად უნდა ახდენდეს ბაზისური სერვისების ნუსხით გათვალისწინებულ მომსახურების მიწოდებას ხელშეკრულებაში მითითებულ მუნიციპალიტეტ(ებ)ში.

როდესაც ჩვენს საპასუხო წერილში აღნიშნულია, რომ ჯანმრთელობის დაცვის სახელმწიფო პროგრამების განმახორციელებელ უწყებებში არ ფიქსირდება ინფორმაცია სერვისის მიმწოდებლის („მყიდველი“) მიერ ბაზისური სერვისების შესრულების შესახებ საანგარიშო პერიოდში, ეს ნიშნავს, რომ სამინისტროს არ შეუძლია დაადასტუროს „მყიდველის“ მიერ შესაბამისი ბაზისური სერვისის მიწოდების ვალდებულების შესრულება აღნიშნულ პერიოდში, მიუხედავად იმისა, ფლობდა თუ არა იგი საქმიანობის წარმოების უფლებას.

ინფექციური დაავადებების მკურნალობის ხელმისაწვდომობის უზრუნველყოფა

საქმიანობის ნებართვა: სტაციონარული სამედიცინო დაწესებულების ნებართვის სანებართვო დანართი „ინფექციურ დაავადებათა მკურნალობა“ გააჩნია მარტვილის (31.12.2010) და ზუგდიდის (31.12.2010) მუნიციპალიტეტებსა და ფოთში (31.12.2010) არსებულ სს „ჩემი ოჯახის კლინიკის“ სამედიცინო დაწესებულებებს, ხოლო ხელშეკრულებით განსაზღვრულ დანართზე მუნიციპალიტეტებში განთავსებულ სს „ჩემი ოჯახის კლინიკის“ სამედიცინო დაწესებულებებს შემოაღნიშნული სანებართვო დანართი არ გააჩნიათ (აბაშა, წალენჯიხა, ხობი, ჩხოროწყუ).

შეტყობინება ინფექციურ დაავადებათა მკურნალობასთან დაკავშირებით გაკეთებული აქვს მხოლოდ აბაშის (30.12.2011), მარტვილის (27.03.2014), ჩხოროწყუს (27.03.2014), ზუგდიდის (12.10.2011), ხობის (21.02.2011) მუნიციპალიტეტებსა და ქ. ფოთში (27.03.2014) არსებულ სამედიცინო დაწესებულებებს. შეტყობინება არ გაუკეთებია წალენჯიხის მუნიციპალიტეტში არსებულ სამედიცინო დაწესებულებას.

სახელმწიფო პროგრამა: 2016 წლის 16 სექტემბრიდან ანგარიშგების თარიღამდე (3.12.2018), სს „ჩემი ოჯახის კლინიკის“ აბაშის, ჩხოროწყუს, მარტვილის, წალენჯიხის ხობის მუნიციპალიტეტების და ქ. ფოთის სამედიცინო დაწესებულებები არ ფიქსირდება ინფექციური დაავადებების მართვის სახელმწიფო პროგრამის მიმწოდებლად, ხოლო 2018 წლის 1 იანვრიდან 2018 წლის 3 დეკემბრამდე არ მონაწილეობდა საყოველთაო ჯანდაცვის პროგრამის ინფექციური დაავადებების კომპონენტის განხორციელებაში.

ასევე, სს „ჩემი ოჯახის კლინიკის“ აბაშის, ჩხოროწყუს, მარტვილის, ხობის მუნიციპალიტეტების და ქ. ფოთის სამედიცინო დაწესებულებები 2017 წლის 1 მარტიდან 2018 წლის 3 დეკემბრამდე ვერც ამბულატორიული საქმიანობის მიმართულებით ახორციელებდა შესაბამის სერვისებს საყოველთაო ჯანდაცვის პროგრამის გეგმიურ ამბულატორიული მომსახურების კომპონენტში, რადგან აღნიშნულ პერიოდში საყოველთაო ჯანდაცვის გეგმური ამბულატორიის კომპონენტი შესაბამისი ბენეფიციარებისთვის აღარ ითვალისწინებდა ინფექციონისტთან ვიზიტს.

პატივისცემით,

მინისტრის მოადგილე

ხელმოწერა/
შტამპი
ელექტრონულად



გიორგი წონკოლაური